

Bosna i Hercegovina  
Federacija Bosne i Hercegovine  
FEDERALNO MINISTARSTVO  
OKOLIŠA I TURIZMA

Bosnia and Herzegovina  
Federation of Bosnia and Herzegovina  
FEDERAL MINISTRY OF  
ENVIRONMENT AND TOURISM

Broj: 05/2-19-5-165/22 MK  
Sarajevo, 30.03.2022.godine

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM  
Hamdije Kreševljakovića br. 3  
Sarajevo  
N/p:Ivan Milićević, sekretar

Bosna i Hercegovina  
Federacija Bosne i Hercegovina  
PARLAMENT FEDERACIJE  
SARAJEVO

Prilijeno: 05-04-2022			
Org. Jed.	Broj	Priloga	Vrijednost
05/1	-02-	83	/22

**Predmet: Odgovor na zastupničko pitanje - dostavlja se**  
**Veza: Vaš akt broj: 03-04-321-10/2022 od 15.03.2022.godine**

Vašim aktom, broj i datum kao u vezi, Federalnom ministarstvu okoliša i turizma dostavljeno je zastupničko pitanje koje je postavila Sanela Klarić, zastupnica u Predstavničkom domu Parlamenta Federacije BiH.

U vezi postavljenog delegatskog pitanja dajemo slijedeći odgovor:

**Dana 25. 04. 2012.godine pod brojem UP-105/2-23-11-11/12 Federalno ministarstvo okoliša i turizma je izdalo Rješenje o okolišnoj dozvoli investitoru „JP „Elektroprivreda BiH” d.d. Sarajevo ZD RMU „Kakanj” d.o.o. Kakanj, za izgradnju hidrotehničkog tunela „Ribnica” sa brzotokom do rijeke Bosne na lokaciji PK „Vrtlište”, općina Kakanj. (sa rokom važenja 5 godina tj. 25.04. 2017.godine).**

Prema čl. 5 i 6 Pravilnika o pogonima i postrojenjima za koje je obavezna procjena utjecaja na okoliš i pogonima i postrojenjima koji mogu biti izgrađeni i pušteni u rad samo ako imaju okolišnu dozvolu („Službene novine Federacije BiH”, broj 19/04), infrastrukturni projekti industrijskog razvoja, spadaju u grupu pogona i postrojenja za koje nije potrebna procjena utjecaja na okoliš.

Uz zahtjev koji je dostavljen u skladu sa članu 18. Zakona o izmjenama i dopunama Zakona o zaštiti okoliša (Službene novine FBiH, broj:38/09), dostavljena je i sljedeća dokumentacija:

- Urbanistička saglasnost za otvaranje površinskog kopa uglja „vrtlište”, Rješenje Republičkog komiteta za urbanizam, građevinarstvo, stambene i komunalne poslove, broj: 03-364-1692 od 12.11.1984.
- Rješenje o registraciji ZD „Rudnik mrkog uglja „Kakanj” d.o.o. Kakanj, broj:043-0-Reg-09-000993 od 23.10.2009. godine izdato od Općinskog suda u Zenici
- Rješenje Federalnog ministarstva energije, rudarstva i industrije Up/I broj:09-18-570/99 od 28.04.2000. godine za obavljanje registriranih djelatnosti
- Rješenje Republičkog komiteta za energetiku i industriju SR Bosne i Hercegovine Up/I broj:06-310-879/84 od 3.12.1984. godine, kojim je odobreno izvođenje rudarskih radova po Glavnom rudarskom projektu na površinskom kopu „Vrtlište“
- Izvod iz važeće planske dokumentacije i mišljenje (sa 3 grafička priloga – Izvod iz Plana prostornog uređenja šireg lokaliteta „Vrtlište”, Službe za katastar i imovinske pravne poslove Općine Kakanj, broj:0-06/1-134/10 od 02.02.2010.
- Rješenje Republičkog komiteta za poljoprivredu, šumarstvo i vodoprivredu SR BiH, broj:UP-1-06-337-392/84, Sarajevo 7.10.1984. godine vezano za vodoprivrednu sagalsnost za izvođenje ardova na otvaranju I faze površinskog kopa uglja „Vrtlište
- Rješenje Službe za geodetsko-katastarske i imovinsko-pravne poslove općine Kakanj, broj:O-03/3-31-1192/06 od 22.09.2006. vezano za vršenje pripremnih radnji za izgradnju hidrotehničkog tunela u dolini rijeke Ribnice

- Rješenja Službe za geodetsko-katastarske i imovinsko-pravne poslove općine Kakanj, od 15.04.2008. godine, a vezano za potpunu eksproprijaciju nekretnina u svrhu izgradnje hidrotehničkog tunela, oko dijela hidrotehničkog objekta odlagališta "Ribnica" PK "Vrtlište"
- Kopija katastarskog plana,
- Zemljišnoknjižni izvadak NAR i RZ broj: 3394/08,
- Zemljišnoknjižni izvadak 036-0-Nar-08-003463,
- Saglasnost Federalne direkcije za izgradnju, upravljanje i održavanje autocesta, broj:11/1-27-966-3/08 od 10.02.2009. vezano za provođenje brzotoka na izlazu vodoprivrednog tunela odlagališta "Ribnica" ispod trase autoceste Zenica – Sarajevo, poddionica Bilješevo-Kakanj,
- Plan upravljanja otpadom

Federalno ministarstvo okoliša i turizma je sukladno članku 58. Zakona o izmjenama i dopunama zakona o zaštiti okoliša ("Službene novine Federacije BiH", broj:38/09), osiguralo učešće javnosti u tijeku postupka izdavanja okolišne dozvole, te je dostavljena dokumentacija u elektronskom obliku (CD), zainteresiranim subjektima (općini Kakanj, MZ, NVO i Kantonalnom ministarstvu nadležnom za okoliš) radi davanja primjedbi i sugestija. Dostavljene primjedbe i sugestije pismenim putem od strane općine Kakanj:

- MZ Donji Kakanj,
- MZ Mramor,
- MZ Krševac,
- MZ Starposle,
- MZ Dubovo Brdo.

Primjedbe MZ Dubovo Brdo, Kruševac i Starposle su bile vezane za putnu komunikaciju mještana u pravcu Donji Kakanj – Kondilo – Brnjic, a investitor je naveo u Zahtjevu izmještanje lokalnog puta Donji Kakanj – Kondilo iznad nivoa 446 u dužini oko 7 km, odnosno plavnog nivoa vode u gornjem toku rijeke.

**Hidrotehnički tunel je prvi objekat u sistemu hidrotehničkih objekata koji su neophodni za razvoj PK Vrtlište, što će uvjetovati siguran rad energetskih objekata u TE Kakanj.**

Temeljem izloženog, Federalno ministarstvo je ocijenilo da su se stekli uvjeti za izdavanje okolišne dozvole za hidrotehnički tunel i da će se propisanim mjerama zadovoljiti odgovarajući zakonom propisani nivo zaštite okoliša,

**Dana 20. 10. 2017. godine pod brojem UPI/05-23-131/15 MK Federalno ministarstvo izdaje obnovljenu okolišnu dozvolu operatoru J.P. „Elektroprivreda“ BiH d.d. Sarajevo ZD Rudnik mrkog uglja „Kakanj“ d.o.o. Kakanj, za površinsku eksploataciju, čišćenje, klasiranje, pretovarni sistem uglja i pomoćne objekte i postrojenja na površinskom kopu „Vrtlište“ u općini Kakanj, nakon isteka roka od 5 godina.**

Hidrotehnički tunel je obuhvaćen u Rješenju o obnovljenoj okolišnoj dozvoli od 20.10. 2017.godine, kao i ostali pomoćni objekti.

Iz svega gore navedenog da se zaključiti da je PK Vrtlište veoma složen i važan projekat, planiran i izgrađivan godinama prije 2018, da su nadležni organi i lokalna zajednica, (stručne službe) bili uključeni u svim etapama izgradnje PK Vrtlišta, a za koje je trebalo stručno i zakonito rješenje. Federalno ministarstvo okoliša i turizma upravne postupke izdavanja okolišne dozvole završilo u skladu sa svim Zakonskim i podzakonskim odredbama i propisalo mjere za smanjenje negativnih utjecaja na okoliš.

Dokumentaciju za eventualno ugrožavanje života i zdravlja građana Federalno ministarstvo nije zaprimilo, a ako građani imaju primjedbi na rad PK Vrtlište treba da se obrate Federalnoj upravi za inspeksijske poslove koji su nadležni da provjere navode i evidentiraju probleme na licu mjesta.

S poštovanjem,

Dostaviti:  
- naslovu  
- arhivi

**MINISTRICA**  
*Edita Đapo*  
**dr. Edita Đapo**